



幼學堂詩稿

戊辰夏起
至庚午夏

吳縣

沈欽韓

文起

浴溫泉

綿途屆三句爬垢逾一寸眼對驪山明心喜長
循舊便筋骸振宿困補綴出中禪拚擋及敝緼思招冷暖
龍欲逐涇渭駿側出有溫泉萬古同神漢唧唧隨雲流濛
濛披霧嘆竟體醍醐灌餘馨蘭麝噴豈徒濯瘡疥亦足雪
頑鈍煙黛藉芳鮮草木含瑩潤爐薰企一晌嵐翠聳千仞
瑤宮露英乾瓊鬢土花襯苔鉅傾沈水虹梁遺插燼通裁
寶袜橫圓趺錦鞵印碧漢落霓裳金霞攏蟬鬢笳吹月戶

愁塵暗眉山暈翠華電影過蕪澤雨餘褪銀床攪秋聲玉
燕語春恨空聞嗚咽流猶聞佩環韻當日紅巾銜今時犢
鼻恩風月幸可延開天莫復論何殊出虞淵兩腋輕思奮
松篁發幽吹拂席傾殘醞耿耿指雙星秋來隔芳訊

灞橋寄懷

正是江鄉梅雨時金錢漫自卜歸期征輪碾盡風前絮更
向青門折柳枝

落花和申耆韻

罡風吹墮幾由旬惆悵聞香舊樂神偶點青衫皆是淚便
黏碧艸亦成塵水晶簾卷空涼月婪尾盃銜送好春莫怨

洞房芳樹暗葶蘿多少斂眉人

遊絲百尺弄煙霏小劫曇華湖地肥柳絮天涯歌緩緩黎
雲月下夢依依重窺上苑瓊枝換欲蹋春陽繡屨稀蠟淚
爐薰拈翠管多情么鳳傍人飛

暮雲愁睇碧縠餽悽斷雲和一斛珠鬪艸舊曾翻禁簿埽
花誰與佩靈符馬蹄殘雪看都盡鴛枕餘香思漸無好向
河陽開紫陌春風桃李白千株

立秋前一日夜坐感懷寄申耆翰風二首

炎歊猶在室庭樹颯已秋東南望銀漢涼月隨波流道遠
沈尺素展轉懷煩憂蓬蒿翳陋巷砧杵悽高樓晨昏違子

舍關輔真漫遊關輔秋風早薄寒絺綌收遙憐嬌兒女訝
我何淹留在家厭喧聒孤影誰相酬飄泊我豈願行止非
自由豈徒缺餽粥未得營松楸惻惻將奈何壯心成白頭
露蟬咽高枝艸蟲趨暗壁秋風益騷騷秋意良慼慼我悲
人豈知鄙懷無感激艱難固自甘豈憂終岑寂坐念齒加
長學道撫躬惕文史浩千萬冥心為尋覓勤力尚無成古
人日以迷焉酬君相知深恐友朋責華堂競絲管中厨羅
酒炙煩寃莫可訴謹呶每茲劇何如對床眠風雨清晨夕
囊琴積芳塵疎星澹遙碧

五君詠 并序

歲之正月欽韓懷牒北上過維揚前沂州守洪君梧邀集
梅花書院汎州東湖賦詩而別至京師晤毘陵李君兆洛
李故舊好至是始得昕夕過從之樂試畢館於陽湖盛君
惇大家而新城陳君用光家兄舍人時往還焉此五君子
雖交遊深淺不同其盛惠長者風義可挹則一也自以樸
鄙之資又樂弛置自便念無以合于塵土浩穰中然則此
數君之獎飾小善如實出已為可感已迄來秦中交遊闊
絕發言莫賞誦梁伯鸞思友之詩歎知己之不易因作五
君詠以抒幽憂之思識明德于勿諼焉

洪太守 梧

者英有洪君嗜古同伯業降龍塵尾搖盟鷗牛耳歌說士
肉勝甘氣勃酒難壓去夏辱行滕窮巷訪巾怡烹鯉未出
書埋劍不窺匣方寸望徒勞咫尺違又恰嗟我豈其人歸
昌期唼喋塵垢隨擔囊煙雨卧耕鋪北江劃泚融南榮消
决滌蜀嶺萬梅花朝曦媚珠被青編與供奉蒼官爲都押
四座羅纓裾一笑倒箱笈扶杖暮轉胞揮翰趨駢脅畫船
邀聊浪銀燭續欵洽園春試遊蜂塘煖先睡鴨尊綠浮缸
面盤青挑菜甲長歌激雄豪壯語鞭駑忙苦云老病人菜
黃聯纓插豈知濩落身萍蓬雙轂夾繁星窺破颿渾流蹙
暗牖土銚呼童寢茅柴供客呷身世一蝶魂歲月幾羊脚

萼香夢在吳騎遠訊無鄴肺肝空輪困波瀾困束峽秋水
飼蛟龍春山歇鷓鴣孫寶歎不遭半菽我豈乏乃知老賀
監高情曠塵劫

李庶常 兆洛

毘陵多學者短李爲巨擘能事皆熟聞虛衷有創獲艸堂
上洄寬稻田東屯僻觸手萬牙籤賞心幾蠟屐鄉媛豁通
津謨觴高講席婢酬鄭公詩僮罰王弼易裹飯雨尋朋翦
蔬月延客廣厦感壯懷大裘思闔澤前年取高第詞館得
仙伯百里屈牛刀中路鍛鵬翮漢廷公卿選官伐守令積
經術飾吏治家人循巷陌害馬慮先除驅羊視後策彈冠

固優爲判袂良矜惜堂皇子賤琴霄漢王喬烏京國暫遊
渴聯床快夙昔過我木患子欽君玉界尺浮蟻遲論文走
蟬急抽冊屠龍漫云工跨驢將安適深願襍被留猶虞長
缺尼西行顏色沮北望音塵隔三薰垢尚蒙七發病誰釋
風獰卷秋心月苦沈宵魄添了盧仝思窮交朱博隙高槐
杲涼蟬激越歌金石

盛舍人 惇大

舍人工吏隱南墅擁書府風流見正始泊淡遭太古卅年
不遷宮半通聊曳組雁鶩行共隨麒麟棧何數江歟呼移
床崔儵傳署戶送人作方州老我等倉庾垂簾靜榻塵洗

研滴檐雨金石契摩抄煙雲欣鼓舞縮蛇斂薑芽透爪評
釵股閒筵趁韭花走函乞鹿脯王宰旬月計謝鯤巖壑補
鐵門自謹嚴韞材空旁午澄懷託高士妙迹方甲部俸錢
薄未給親舊寒常煦冬晷窗凝釭春風座揮塵喜看綵翮
長渴求嘉木樹室內酬芝蘭道周念杖杜自非篤天真焉
肯暢仁宇吁嗟紛要津刺促汨塵土竿牘朝懷謁牙籌夕
校簿冷煖衡吹噓剛柔別茹吐恂恂僞面目齷齪鄙腸肚
得喪僅豪末倚伏孰功楛孝章故有名長輿豈其伍忘形
附異苔懷哢分鞞羽悽響含霜鐘真心叩露柱蹇驢風雪
中重聽天街鼓

陳編修 用光

編修工吳語篤論鏘夔夏種學玉騰瑛抽詞筍怒茁離方

嚼高寒天閑蹄快刷清俸倒縑囊佳賓致瑤札家俠侯下榻其家

蝨簡宵分讐衲琴曉共拊二妙慙鑣連一軍嗟旆拔髻鬢

首請囚嬾跚足遭別羈食澀粍粍貧車全塊北浮嶮招困

鱗簷疥蘇病鵲屣迎略拳踞巾拭清垢玠架籍橫丹鉛厨

膳擣蘇菽談深豁菴婪義選堅亂九庾辭那知三應響逾

隔八紘新發抗歌叩鄙窮紉察之而作旬鎧畢逋敗鎗讖

擿埴悟大愚飲河悔小黠詬笏獲投隙窶數鉤窒窳頑礦

要錯礪瘡潰藉剗殺惜哉判塵襟儵爾驅脂鏃星火指挈

臯金碧迷利刹土室卧齟齬山城跨齷齪膚慙中庠瘵氣

獰惡瓢瓠棲濕叢歲莎銜陰喧蜻蛚先秋擗紛褊續夜籟

敲劫離居感辰杓駑駕誰策鋟弦么惑訂聳眉媻增眊眊

躡梯蹙空踞榱材枉繫舄懽亮噍孛悲哦空咿軋靄幻

重霄驚霜刑遠林鬻夢恇療蟻聰燈昏咒墓瞎高齋憶薦

瓊散帙自蒙帕主客圖交披東西屋聯閭華年送絡緯朔

風叫鶴鴉征途木介凝寒鑪地毛刮急思就元龍不借寧

避滑

家舍人 欽臨

吳興得世族清望何迢遰已叶畢萬占寧夸郭璞筮松陵

表一房碩大明派系粵自先太常風節頑懦勵代興尤不
乏冠蓋鳴珂繼凜凜憂國本勤勤浚氓隸高陽推八龍永
興題三桂忠孝各名家清白以傳世風流著文采閨房皆
班惠玉臺播新詠彤管有鉅製迄今百年來名績乃稍替
將無兔園冊嗜瑣汨才慧吾兄紹宗葉旣壯掇高第簪筆
薇省中儵忽淹時歲恬淡不奔競溫恭克砥礪旅進獨策
蹇退食門常閉蕭然一室中潛心叶彖繫弟愧未聞道虛
憍多悔厲暫見意已消親炙神逾契儼然祛炎歆怵惕動
沈滯貧賤不得留別懷增侘傺塵俗特清明津涯浩何濟
楨幹先義行枝葉到文藝斯道人忽亡風旨邈幽裔秋陰

散秦原望古結遙睇空山蓄金膏芳林擢蘭蕙寶氣積歲
襲幽香發蒙翳區區鶩聲華墜雨委秋蒂

秦中早秋

渭水西風一夕寒鴛鴦新月盼刀環爐香蠟淚誰家思乞
畫江南數疊山
空堂蟲語答齧齧雲閣林梢雨意酣欹枕疎鐘清客夢依
稀茅屋研山南

感懷

三千里外策行勝錄錄疎班粥飯僧夢裏抽毫吟笠澤塵
中抱研哭昭陵滿庭風露重簾壓永夜星河曲檻凭誰展

秋光如匹練樂遊原上掠飢鷹

中元節

此日酌杯酒家人憶我不禪林方解夏騷客又悲秋零露
黃山接殘虹紫閣收望舒頻樓指圓缺替伊愁

秋雨懷徐良卿

秋心碎積雨歸鳥目空送行潦斷平原林端濕雲重淒其
蒹葭思浩矣江湖夢

昔我弄白蘋繫櫂湫谿柳日淡鯉魚風薄醉傷分手今年
霜葉紅還復持螯否

渭水自東流西上奈孤客行雲限關河不向吳山碧勉哉

一瓢酒天涯慰此夕

雨亦不能止愁亦不可置回思舊酒徒笑語皆嫵媚一點
楓林青期君在夢寐

雨久固當晴秋河耿城闕歡悰既刪除陰晴共紆鬱最念
倚疎篷一笛吹涼月

吳子結團瓢竹林露滴研周生投劾歸狂歌索帚練一唱
望江南我遊亦易倦

去年權舟訪良卿于荆溪其同縣吳處士賣畫自給所居團蕉僅容茶竈

遠廬植竹不下千株琴書清寂依然有隱君子風在塵土一置思誠可羨也周保緒年未及三十棄官歸與湖山作主人余之錄錄亦奚為哉

周通判 心如 暨其弟上舍 為漢 招余檢書看劔齋中

竟夕

玉蕉酒盡同看劍，銀葉香消約抱琴。
涼月如霜人迹少，吳兒坊下聽吳音。

馬嵬絕句

得寶翻成懊惱歌

樂府雜錄得寶曲者明皇初納太真妃撰

刀光卷雪注雙蛾

恩恩殉玉埋香後，商略來生又若何

遊魂萬點蜀山青，愁絕崖公掩畫屏。
牘有紅桃相對泣，望

京樓唱雨霖鈴

雨絲和淚蹋青人，蒿艸靈芝委玉塵。
一種垂楊帶唬眼，縱

搥羯鼓不回春

邏沙槽地金鳳泣，頗黎碑倒玉蛾乾。
阿蠻流落將軍貶，地下應無絳雪丹

相逢行贈荅周幼海筇雲伯仲卽志別

東吳菰葦土卅載，臥柴荆有車不隨上。
計掾有謁不入大，公平行歌帶索已忘老。
忽顧長安作西笑，長安今在薊北門。
黃金客館堪憑弔，鴝鷓衣蝕霜華斑。
宋五坦率行當還，夢歸閭巷畏雷室。
目斷煙霄墮翮山，策馬無聊向關右。
卜杉決錄相人偶，雌霓連蜷白閣雲。
棲烏禿速青門柳，雨休夏歇等苾芻。
此心寂滅長松枯，誰謂至寶發光氣。
雙眼頓開地鏡圖，推襟始熨連眉結。
懷袍略能捫腹說，兩鳥啾啾

聊得鳴三羊香香恐遭叱天街涼月白如銀偏提醉我松
醪春縱橫几席圖復史餽釘殺榻栗與榛慨忼要擊唾壺
缺更出寶刀相拂拭虛堂拔鞘織風生碧花尚帶淳于血
君不能如于栗磾黑稍焰焰揚河隄又不能如蟲將軍長
鈺霍霍菁茅分麒麟有角亦安施仰天大笑杯翻唇貧薄
相逢誠快意誓披肝胆厠兄弟只惜孟仁襍被寒誰知蕭
懋瓶花領庭前下鶴白皚皚挽社不得號呼哀天涯淪落
復奈苦行路乍見心猶推何況龍舒遺清白崔瑗傾家盡
賓客翩翩丹旄西涼來滯留未得營窰窰浦陽江隔幾千
里織服纜除又苴履病妻宛轉尚在床歎息艱屯何至此

引繩搏土偶爾爲苦樂天翁豈得知雙雁終應隨馬鬣三
鱸未必泣牛衣蕭梢鬣尾衝寒霧窮冬我首燕山路半年
歌哭論交情萬里萍蓬繫別緒揮手愧乏王丹縑朔風吹
裂烏帽簷忽向秦關回首望愁心缺月如磨鎌

華州

鎮國軍鋒建將壇清笳候火報平安西迎高掌銀刀駐東
下羣冰鐵馬攢是處老羆當道卧何人春燕倚樓看潺潺
一帶羅敷水鞭影潼關送夕寒

渭南

烏帽簷欹酒不溫石橋噴薄渭流渾郵籤卻悵驪山遠草

白霜黃半日村

寰字記渭南縣有半日村

出潼關有感

華陰道上騎驢過玉女盆吹雪花墮渭河口邊望鐵牛冰
稜銳作刀輪剉開寶遺事在眼前廣運潭趨百郡船赤尉
綠衫紅抹額得寶歌過千嬋娟小人獻媚何足醜偃月公
時亦噤口百牙盤進望春宮此日三郎真蜺斗阿鞞矯發
金虎符防關將復堆哥舒龍蛇起陸禍機伏正坐主忤非
臣諛遊子臨風空歎息驚沙撲人批阨塞空山鬼障月光
黑戍六一星盤豆驛

王莽傳正谷批難

赴都留別觀察盛孟巖先生

抱研隨行試決科未忘清夢結漁蓑馬頭霜曉驪山翠雁
陣風寒渭水波種樹公知傷刺少佐雖我幸得嘗多汝南
倘下周璆榻更有風流佐雅歌

謂周筠雲

發臨潼寄周筠雲

殘燭映天曙涼蟾猶在庭泉邊雲氣白霜外艸痕青古道
飄牛鐸遙原縱鶻鈴懷人正有夢峭蒨隔蘿屏

望華山有感寄楊蓉裳農部

臨風莫唱華山畿九節仙藤登陟違過客深慙錢若水驚
才輒憶謝元暉橫看黛色三峯重回望黃流九曲微卧展
屏風終未快便招白鶴叩雲扉

渡孟津

落日漾魚鱗朔風捎驄尾隔岸如可招跌宕乃窮晷峭帆
劃中流陡觸黑雲起呀呷百丈牽冰稜銳鋸齒急溜不得
上一落殊未已高厓三四家晚飯瞰水涘捨筏快先登涉
叩憐後跂寒星雜戍火篙楫難暗理却望北邙山淡淡暝
煙裏

登五縣城樓

峭勢南迴潘樂城牙旗霍霍壯東京龍門積雪隨流下少
室浮雲與岸平血漬金堤霾土色風來玉壁撼軍聲塵祛
一摻延斜日又逐幽州馬客行

清化鎮

欹枕馬蹄兀褰簾鷺埃移征輪猶往日客舍比歸時典午
消佳氣南陽案霸基拂塵排筆研笑我欲題詩

樂城

小市雜人語酒帘懽獨尋傍壕嘶瘦馬落日浴寒禽冰積
沙河壯風高大茂陰誰人歌勅勒回首帝艸林

房山道中

古木棲鴉不揀枝馬蹄蹋碎凍琉璃平原一帶荒寒景尚
憶房山老畫師

黃沙烘出月糝餽鬼火青熒駐遠蕪不識何年戰場血磨

刀霍霍舞寒蘆

涿州張桓侯廟

國士千秋能有幾狂生一夕竟難同謂劉巴到來遶涿諸毛
地想見橫矛瞋目雄王業纔能鼎足峙將軍竟以斷頭終
故鄉魂魄三巴淚長此君臣享闕宮

臘盡過憫忠寺

勞生畏雙埃屏迹現一龕鐘聲隔巷度竹影虛檐參僧帚
雪未澤佛幢香猶含古碑研塵細老樹擎雲酣鳥雀得常
樂齋盞有餘甘止心一暫照觀身了無貪前塵既紹繚後
蘊復趁遲審非濟時具且喜出世談碾輪欠輓輓吹鬢風

鬢鬢春光滌寒洹凍宇開新嵐

雲間陳給諫

憬

遺墨

為其孫榕題

黃門先生幾社賢散聖得意削柿傳力追南唐撥鐙筆鐵
鈎鎖法弱蒼煙劫仄一飛散胡蝶小詩重披輞川集貫珠
方絮搜秘笈祖德若存抱研泣

清明過憫忠寺

千指筆毫香拂林最難風軟作春陰叩門不覓悲辛食拈
塵聊參得證心陌上花開紅雨暗江南艸長碧雲深年來
蕭寺題詩處蘿月苔煙夢獨尋

入內城勾當畢仍寓蓮花寺

埽地焚香後心空似病蘇
槐新舒鼠耳花舊雜蠶須
著述惟蛇賦商量到橘租
諸公看袞袞容我作潛夫

眼昏看客刺心動得家書
祿養憐猶逮廉隅勵竟虛
買釵聊指楛啖茹莫遺魚
亦自傷遊子朝來白髮梳

春去先羈客無慘喚栗留
日黃團絮夢雨綠罨眉愁
倚帚看苔長穿櫺玩蟻遊
思鄉轉深處碧篠舊齋頭

接宇多蒿若風吹香滿林
悲忻隨客念冷煖異春心
病肺真妨飲搯頤偶漫吟
繩床黃妳共晚景換鳴禽

首夏望日屠孟昭招集樂元淑劉芙初吳蘭雪顧南

琴董琴南于雙藤老屋共賦芍藥絕句

槐黃已過問歸程婪尾朝
催隔巷聲如此風光莫回
首鞭絲帽影出春明

老屋雙藤拱座隅玉堂清
夢落江湖重吟紅藥當階
句補入張爲士客圖

雨絲壓住六街塵四壁軍
持照眼新儘有等閒開落
了替渠養得一分春

豐臺菜把擔朝煙便看西
施直一錢百寶闌干紫絲
障干枝憔悴一枝妍

君持手版作麤官我向菰
蘆覓古懽此際將離映青
鬢酒深還復把燈看

長安酒價自嵬峩奈此風華瞥眼過無數溪花與汀艸淡
煙斜日媚漁蓑

劉芙初招同孟昭元淑藕畊鳧鄉頌清春帆至城南
尺五園雅集晚復至孟昭寓齋飲雙藤花下得詩
二首留別諸君

客影如秋燕林光雜夏雲遊絲驚墜稗幽艸媚斜曛哀樂
中年迸瓦沈岐路小幾曾干綵筆潦倒又離羣
出處亦無奈明星爛一天彈琴容傲吏舐鼎謝頑仙山水
清音共江湖小集編摩抄老蛟骨相祝待華顛

賀吳韻臯登第

牡丹壓露柳含煙正是黃扉造榜天神雀頌宜推武仲阿
房賦早播樊川科名不必龍頭重報稱須同鵠翮全端念
故人茅屋冷揚雄小技莫輕傳

題孟昭小菴樂室讀書圖

山風扣籟吹薊蓼秋眉拭翠帷披林五子鳴弦嘯且吟琅
然水石留清音鳳皇山邊老鶴起翎捎松花落窗裏潮頭
萬丈盪心胸湖光一綠浸眸子林泉大好似鬢谷肝膽琅
玕撐滿腹書城贏得半通綸苦筍瞥眼已成竹銅槃布被
良不偶礪錯英奇玉爲友九州老氣千古心好句時壓山
精手福連仙蝨飛青旻石床不埽苔爲茵一匊滄浪攔煩

襟出處何關冰雪人我排老竿堯峯下瓜蔓牽風鬻檐瓦
煤熏塵落未忘渠何況圖史開精廬求官覓舉十年誤突
兀眼前思此無

琴隴舊廬說詩圖

三人孟昭外郭祥伯廖查梅史揆也

松根素壁搖清秋白眉青鬢髯而虬說詩硜硜語不休塵
尾脫落翻茶甌兩狂相遭窮怪詭米顛不下賀梅子況是
嶽崎歷心人名山事業成鼎峙斯道久喪氣不揚杜園熱
屬柏披猖奸黠稍能鑽故紙獻笑乃等門倚倡惜哉菰蘆
闕奇偉水樂天籟誰入耳彈琴輸與緊那羅大地鼓舞走
神鬼三人才調不必齊五味搗燂鹽與醯碎金屑玉若著

錄豈非刮膜得聖篋屠侯於我最雅素墨綬垂腰行欲去
豪氣干雲未可磨嘔心免作李遠賦霹靂手判晚衙空安
排筆研當覓句查髯從宦兩相望解頤新論郵筒將惟有
郭生飭之藿之弦之孤蠶啼壁勸君早辨三徑資無使月
泉吟社寂我亦入流作談客

女郎雪如小像爲臨川樂孝廉

鈞題

絮果真成惆悵詩飛龍骨出爲相思碧雲幾盼桃根楫紅
豆深埋竹葉碑三月蹋青澆酒地一窗鎖綠斷腸時生綃
重展崔徽畫琢玉量珠恨已遲

贈湯

貽汾騎尉

遠山墨淡郭忠恕春水綠勻張玉田千騎弓刀亦憔悴一
生筆研是因緣相逢燕市聽今雨便向滄江卧晚煙聊復
臨分作調語我期金紫子貂蟬

以詩乞吳國博

嵩梁

姬人畫蘭

香東掩映遠山眉朝暮齋鹽未足悲修竹雲藍垂袖小芳
蘭螺黛染豪遲好徵懷玉山人夢便付蓮花博士詩乞我
歸囊新畫稿也將涼盃共搬移

晏叔原聚書甚多其妻厭之謂叔原有類乞兒搬漆

盃見張邦基墨莊漫錄

蘆溝驛

觚稜無夢遶嚴鐘替戾車鈴荅曉風一樣蘆溝橋上月送

人歸去六忽忽

河間

載轂通都擊懸桴劇郡鳴青山埋冢色白馬過河聲填艸
擔生澤地煙乞活城雄圖真草草不獨弔東瀛

雄縣懷古

燕南趙北指天弧御蓋雲開辟萬夫淀口九河爭渤海關
前一障隔幽都花明纂纂思鄉棗雨颯叢叢繫馬蒲乍夜
土囊風吼怒忠魂想像白溝呼

東方朔祠

靈山萬人誦內音先生手搴七寶林虞淵浴罷貪漢耐抵

掌一笑鄒枚瘖羽衣妄人佩五印割肉何裨囊粟窘宛若
小妻聊可娛少君舊友真堪哂柏梁臺燼靈寶灰本知劉
徹無仙才有酒鷄酌泉鳩里白雲歌罷同歸來商河水駛
浮槎訝古碑猶伴石押衙喚取小鬟彈尺八門前落盡碧
桃花

荅董編修 國華 見懷

乞火誰分鄰女光壺中歲月逐人忙貧緣到骨難忘俗老
漸驚心自滅狂夜雨君寧念茅屋秋風我已狎蕩鄉竹林
繁露真家法莫把雕蟲報玉堂

魚山神弦曲

撫掌离兮彈雲璈坎荅鼓兮聲嘈嘈龍朱顏兮揚曼淥却
翠扇兮鋪瓊茅麗綵雲兮沛艾褰珠箔兮醜醜風吹愁兮
如雨神不語兮心許搖玉佩兮金璫杳朱戶兮洞房抽丹
雉兮散其憺銀燭兮搖光

右迎神

濟水白兮吾山青綵舟歸兮花冥冥倏回風兮閃霓旌儼
流暎兮散幽馨化余精兮作葦草碧翬腰兮接瓊島青錦
帔兮玉臂支吹鳳管兮寄予思孰冉冉兮羅韞空蛸蛸兮
素月

右送神

在平旅舍

荳蔻梢頭月上波雙鬢已解唱黃河
條條楊柳鞭絲短面
面琵琶鬢影多一顧偶裁團扇曲
半生每感唾壺歌朝雲
黯黯魚山路更有愁臺弔綺羅

項王墓和樂元淑韻

高邱虎氣已消亡石馬嘶風打麥場
四豕分如失鹿主一
抔冷似羊王八丁空悵橫江黑
五百誰歸絕島蒼至竟
枯棋剎那頃酸眸銅狄弔咸陽

附元淑原作

羸顛劉蹶總天亡廣武何勞弔戰場
割據儘容魁髻尉

驅除先惜黽頤王彭門春草連天碧
魯甸殘山遶墓蒼
擲去頭顱千古在為公立馬看斜陽

東阿縣曉發至東平州同元淑作

昔日三丘詠高臺極望悲至今明月照
猶有朔風思珠箔
裹車杏芳蘭采佩遲山行愁礬確
那得慰瓊枝
小試羊腸道雙輪轟輻投餓鴟
蹲破屋老彪嘯危樓山遠
聯齊魯星稀見斗牛東平西向樹
煙鎖尚含愁

兗州

南樓縱目揖晴嶸風入軒窗四面清
鉅野尚浮蛟蜃氣虛
堂如聽管弦聲雲來海岱晴迷樹
雨過鳧蒙翠繞城安得

竹溪追六逸龜陰田塲一犁耕

自泗水橋至沙河道中阻雨車行泥潦中遣悶三首

魯郊三日雨地防已汪洋鳧鴨隨浮汎江湖興眇芒書門
雲涌墨漏澤日沉黃滄海橫流歎吾生付慨慷

白楊閃遠火客舍似豬蘭照壁眠愁螿春梁飯喜搏岩廊
誰結蟻蓬藿莫彈冠千斛西江水征塵欲浣難

不作交_可舞如舟駭浪搖真成九折坂空駕一封輶粟稗
蜻蜓上蹄涔科斗跳熒熒五色鳥浴罷戲蘭苕

野宿

日腳沒牛背晚霞紅一村嶧山窮魯望泗水直彭門野迴

星分燄宵深月吐痕嘯歌應不廢共倚馬柳論

下邳懷古

烈士奮氣矜智者識幾始義風唱可振墮俗激則使趙氏
方厚虐_也目孰敢擬萬姓喘喁喁久焉氣疲鬪子房志報
韓發難提其耳一擊雖不中祖龍魄已褫以此愧天下各
雪君父恥驚雷震白日龍虵破蟄起十日空橫索呵護非
神鬼焉知俊鵲逝遊戲煙霄裏我來下邳城遺迹想納履
微時黃石公晚節赤松子神仙與作緣英雄能有幾叢叢
彭城山瀾瀾圯橋水坤靈闕奇局慷慨歌行李

新月

新月猶殘月翻愁水宿艱一帆棲白鳥雙屐夢青山野哭
林風黑宵吟戍火殷南來怨津吏三五滯刀環

淮陰侯釣臺

王孫昔日投竿處蛭渡蝦跳尺漕深含睇素靈橫大澤傷
心野雉响平林連鼇盡擊珊瑚碎走鹿真窮雲夢擒畢竟
羊裘容易著誤他漂母報千金

高郵追懷秦少游

真銷錦半臂好捉玉蟾蜍髻影朝華滅巢痕元祐除文章
淮海闊風月甕湖虛一覺藤陰下傷心儋耳書

旌德黃貞女詩

十四歲所字朱氏子疾篤女忽心痛
若有告之者既歿矢志不嫁奉舅姑

年二十九得微疾
日可死矣遂不起

未滿一輪月華年已斷腸陳詩痛芣苢準禮設桃湯古鏡
時窺淚羅襦那識香門屏跬步近不敢背尊章

握玦應^手埋香算比肩生憐武昌石含笑蓋山泉花落
浣衣處雲愁織綺年建章孤闕聳何媿玉華鐫

丹陽道中偶述短歌

江風橫折帆葉驚小舟亂如鵝鴨聲菰蒲擺腰作氣勢咫
尺千丈車軸傾白虹截雨雨化雲放柁依舊中流行披襟
一笑事乃爾鬢毛微覺涼秋生漁艇掠波自來去碎魚論
筐賤如茹瓦盆酌酒亦娵酣捫腹何須太牢飮扣舷欲和

長年歌盲風怪雨抵巇多從今白眼看蒼狗征衫撲買笠
與蓑吾廬固有安樂窩

和黃香涇栽菊四首

昔年長安道與君同躡屨小艸轉飛蓬朱闕歸白堊便自
成老翁勞苦久離索春榮玩芳鮮秋蒂慰濩落所恨無隳
地馭蔓交瓘錯雅與傅延年臭味遭淡泊夏苗同蒿蒸秋
英共糗爲晻葉映重蕤煌扈照簾箔晚香客品評瘦影婦
量度酸寒氣聊洗枯寂心還著更欲招索郎呼兒支錫脚
君嬾不作詩淵雲墨微燥捫胸若太空浮雲喜淨埽紙窗
初日映布帽東籬遠技癢那忍俊肺附一傾倒淒淒風露

砭罔罔驪珠抱業已洗鉛華意豈恨枯槁喚我宿愁記如
人素心道風詠接清芬飢腸亦搜討各將耐冷心霜月鬥
娟好豈徒示詩篇更與添畫稿奉敕寫却媒世眼真艸艸
多事此瓦生煮之寧堪飽

我家數長物視君尤寒儉架倒青蔓除壁罅蒼苔點黛煙
低冪簷梁塵塌侵簞芳菲未入眼粉飾苦無漸譬諸國事
蹙符頌諒所歎西鄰好門戶霜葩爛燄燄醫俗俗未除對
花花應忝我復杖藜窺嘯咏意亦懶得君乃神王孤影差
自貶卧斗招七童荆扉盡日掩此花倘作枕席幾頭風減
寒雲宿遠水折葦塵西風秦吳極天末霜華滿征鴻憶昔

與周生把袂青門中

謂幼海
筠雲

我時小團瓢殘菊拘數叢所

期隕齡駐又許臭味同搏沙驚聚散此花復瓏瓏思欲致
一束道遠莫能通自謂流離鳥樂樂百憂攻斯才豈易得
一喝俗耳聾所慮毛羽摧不獲天衢沖恨君未識面聊復
述篇終有酒醉寒英浮白呼此公

送少宰劉先生出塞

風聞白簡動朝班幡集諸生慘別顏吏議雖深無死法
君恩未替許生還心傷桂子荷花處夢到金戈鐵馬間此
日文星耀區脫弓衣新唱播刀環

暮春遊穹窿道院并題移石山房

崑居無意緒鬱叢日駸駸福連簡未彞娜嬛地可尋煥風
醉花氣淡日和松陰肉芝頰幽壑隱龍散遙岑禽語荅拊
石泉節效鳴琴乘躋不覺遠廳室忽已深煙雲結宮闕星
斗羅胸心六天除玉札四極開寶林羽版已迢遞紫房內
蒨參高嶺有元鶴如習卅六音

夢不到帝居心亦超塵表那測天梯崇自嫌兆身小神霄
捧日麗閣道穿雲杳瑤階嶽瀆趨洞戶風霆掉一掩反華
幡神州百靈悄殿脚眠玉龍檐牙窺青鳥廣靈堂自閒金
華樓可眺清露瀆丹葩織飈筵碧篠造境逾菴藹循途彌
深窈翳翳空青林坐待山月皎

赤松不可接玉斧復有孫日鍊黃庭部雷琢蒼山根松巢
招鶴近蕙帳移雲温篔泉舊丹汞鑿土新芳蓀金膏上光
氣照破千峯昏惟有一片石頑卧如土豚草深叱不迨藤
古鞭無痕魚龍孰變化風雨方崩奔我亦騎驢客六淳未
邀恩良醜且自醉佳識姑勿論中吳紀聞云穹窿石移狀
元來歸蓋宋時諺也許道
士構新居齋額
題名本諸此

花雨洒占壇松風清別院塔焉檣梧暝悠然藻華見學道
艱穿井去暑速轉電百日齋當持八會書可繕金魚要盟
誓玉佩得真傳紫鳳晨鏡輝景龍慶液鍊卧斗七童招奔
月五妃薦刊名易遷宮校格陽寥殿惜哉乏仙骨流浪持

塵面羽衣心自凋胎尊形已變遙呼大茅君霓旌結悽戀

偶采百花作枕亦窺人之小遊仙也記以詩

埋香寂寞盼春臺一枕凌波步未來凹凸花空傳粉黛併
個餅漫爇松煤收將蜨夢青鸞帚補得梨雲白鷺縷此後
擁衾思落月陳芳國裏媿詩才
燕子啣殘淡日篋為憐百末託紅氍白姑不耐心齋守黃
妳真於眼食宜紙帳客重尋舊夢錦屏人早悵空枝妙花
他日諸天散又是蒲團枯坐時

初夏卽事

蠶官賽後餽饌焦檢點斤牙與菊苗頗自養高綠愛嬾尚

能隨俗不嫌驕鳥如奏伎琴心暢蜂正開衙花氣調約畧
聲名亞潘閔新詩誰爲繡生綃

偶題

喜聽深林鳩婦呼秧田已拔豆萁枯頰肩擔麥爲養食素
手抽絲作嫁襦潤聚蟪坵高野稻暖開雞柵化羣雛先生
空把農書讀那有瓜疇及芋區

三間玉茗填詞屋十笏維摩說偈龕梅雨作陰愁應瓌棟
風催熱困穉含舊題佈紙衣魚走新蔭齊簷轂雀探一飽
黎祁尋蜨夢連枷聲促破餘酣

古松

幽澗花自落高巖雪已殘萬牛辭玉壘孤鶴下金盤樓閣
三層迴風雷六月寒惟應劉越石長嘯繫征鞍

新竹

鱗鱗貓頭茁氎氎鳳尾陰洗桐方倚檻呪筍又成林涼夢
搖冰簟幽歡叩玉簪小樓燈一炷風雨送秋心

五月初一日泛舟白蓮涇

鳧翁低亞雨絲斜籬落聲喧轉羅車又是女兒佳節到鬢
邊紅壓石榴花

明妝繁吹動江臯白馬何人駕怒濤滿目蘋花愁暮雨最
宜飲酒讀離騷

是日初試龍舟

長句荅蔡明經 光裕 追憶荔支

蔡侯粵裝一舸歸鹿蕉鴻雪皆堪思茗乳鑪熏坐長日可知荔社開山枝略似海棠甲西蜀寂寞追想方成詩喃喃欲說已流沫增城挂綠尤道奇官園嘗新珍自昔行厨每致二千石忠州白守忘遷謫一幅新圖詫朝客憶君抱鉛遊跡多烏絲醉草珠孃歌猩紅已飲櫻桃頰鴨綠還傾鸚鵡螺嶺表一夢寧空墮手揀果箱三百顆絳綃玉膚粲瓠犀瘴雨蠻烟無不可從來尤物皆荒陬欲歸更作三年留不知當年扶荔館馬鈴犀角如此不滄桑遺事楓人憶黃袍青蓋曾攀摘艸木何知亦破顏至今色味稱殊絕剩水

殘山失御園木棉花染啼鵲血承平事事皆足夸紅塵一騎傳五家端明之後稱家癖只惜未造頭綱茶我甘橡栗偃蓬戶有千雖存澀如杜他時若訪上林簿不忘唐羌一諫疏

題周氏米堆山墓田圖

燒筍題詩罨麴塵石泉槐火幾番新小雞山下樵千束輸與江湖老散人

宰木風搖原氏阡峯峯出沒點蒼煙披圖重觸孤生感破屋葺塗已十年

幼學堂詩稿卷九

幼學堂詩稿

庚午秋至
癸酉夏

吳縣 沈欽韓 文起

雙忠

宋丞相李庭芝
汴都統姜才

沙蟲猿鶴弔斜曛廟兒猶借南霽雲亡國尚留乾淨土橫
江只少背嵬軍旁皇漢上長圍斷狼籍厓山殘局分差是
小朝廷不愧牙牌終寫宋官勲

董仲舒祠

維學皆雲霧斯人卽鳳鸞五經希聖近三策畜君難齟齬
眞同賈衰遲可繼韓披帷辨香奉不敢效劉蘭

梅花嶺弔史閣部墓

北風白雁沂江來戰鼓無聲巷哭哀一死招魂空大鳥千
秋灑淚共寒梅家居已付纖兒壞世界真宜鬼籙陪

用閣部家

書中語

咫尺淮南開幕府可憐喋血少姜才

洪桐生太守招同泛河

蜀岡啣落日遙接楓林丹微風動衰柳皎月橫曲闌蟲振
么弦急花綴慵妝殘綺疏水痕上石磴煙杪蟠秋光淡天
末黛色分江干苔深礙遊屐萍密開釣竿詞宗展秋興僑
客敦古懽匪愁江雲暗蜨夢草露寒燈火喧逝影鐘梵息
哀湍一編延孤冢清涼砭肺肝

秋杪桐生太守復集河干看菊登前韻

花光蘇病蜨窮秋有還丹新霜染益妍造物與未闌索郎
招語熟素娥顧影殘攜鉏六枳繞背艣雙鬟蟠果牛駕東
府竹馬迎兵干畦富錦步障櫪嚴豹尾竿般若何處悟本
微空際惟用大洞頗思銀缸影稍添翠袖寒公明涸家術
正則傷江湍一諷天隨賦漫累安邑肝

初冬桐生太守招同仲符吏部慎伯孝廉孝逸上舍

集河干從山尊學士乞酒一瓶復用前韻

西風催刀尺機杼懷王丹墜蔣打窗急載酒遊屐闌黃團
冬心抱綠駭秋容殘百年強弩挽尺土孤根蟠蘭襟偶邗
上醞舫追吳干霜稜厭沙渚日光淡旌竿異苔繼芳躅舊

公學堂詩稿 卷十
雨拾墜歡倚樓楚澤遠吹角蕪城寒鵲巢復月雁戶磬
驚湍延年在美意惜結祗傷肝

真州雜興

江介新寒病骨砭隨風榭葉舞青帘院開鹽鐵均輸廣地
雜椎埋疏捕嚴破驛封書題雁足孤城擐甲泣龍髯羈愁
莫上南樓望映水三山霧沒尖

東園水不曠城隅冠蓋風流迹已蕪高浪隔江如睥睨亂
雲匝野作穹廬打魚小港鳴沙狗伐荻荒洲語訓狐落日
正銜仙掌路也添紅樹映黃蘆

孟昭明府招同郭明經麇查明府揆遊北山寺用宋

王逢原韻

墜葦影中吹鬢亂晚鐘聲裏覓心安曾來香國張南史臙
寫篔材王孟端山鳥欲催詩思澀檐雲如護酒波寒鑿頭
通倚荆扉笑可解青青北固看

攜琴調水穿林樾小坐蒲團差覺安雪意淡尋驢背上茶
煙青裊佛眉端邨如香篆縈林曲江作鞞紋襯日寒不擬
習家池畔醉風流冠蓋許人看

前韻送祥伯伯葵歸里

遙山欲喚郭忠恕老子頗哀辛幼安醉睨酒材供十日窮
夸詩筆冠三端關心墨綬腰先折到眼青羶骨自寒此日

圍爐今舊雨，醜顏好翦燭。花看

歲云莫矣，留無計。茅屋滄江臥，較安老鈍。嫌同芻狗，例生
涯劇。向棘猴端綺，懷檀板輪三變。通病綈袍坐，一寒佳釀。
應傳長官號寒廳，留得舊題看。

祥伯伯葵各有見，贈之作仍前韻。荅之并示孟昭

夜闌還作聯床語，其是勞薪莫計安。肝膽照人猶未老，風
塵取友定能端。祇諳冷炙殘栢苦，先怯瓊樓玉宇寒。何日
西湖尋舊約，推蓬煙雨笑相看。

湘靈石詩用東坡雪浪石韻

并序

石在真州城西門外，俗云美人石，高三丈許。阮侍郎易

今名志載汪氏榮園遺一石，號小四明者，以地攷之，卽

此石也。余與吳江郭

慶

海昌查

揆

吳縣李

福

先後往訪

之，惜其流落日就，剝侈與郭查二君共爲詩紀之，并邀
孟昭六令繪圖焉。

蒼厓劃破雲移屯，體勢不借他山尊。月波穿漏薄孔，小雨
脚刮摩鏡面，昏督郵奮袂戀古戍，思婦含睇愁荒邨。老龍
遺蛻閉水脈，孤鶴無夢昇天門。野火或對押牙語，修篁不
返湘君魂。猶憶瓏玲門翠葉，忽歎呀豁危苔根。黃帕紛紛
列綱運赤岸，磊磊留鞭痕。甲乙佳品重款識，滄桑軼事那
追論。碎額已中巨靈斧，沈頭誰侍仙人盆。百牛輦置亦易

事東園觴詠風流存

琴隲方構新室祥伯伯葵其擬移石置之仍用前韻

山肩兀立如案屯下視蓬顆猶爲尊野狐銜骨拜月黑怪

鳥側翅唬煙昏擁妝不伴御史廟見太平御覽卷四十八

石聳出似婦人艷妝而坐披衣應號貞女邨可憐奇礪失池館若栽櫺

具潛監門湘雲黯淡竹墮淚朔雪皸瘞海返魂龍宮搜牢

爭浪窟羊羣拋擲埋芳根往矣喚起鶯花夢塊然飾此烟

墨痕磊砢聊與石丈揖摩抄莫其銅狄論呼酒竈燼覆一

斗哦詩親緒抽三盆苔岑結契信非偶石有時泐名長存

琴鳴新室落成題日湘靈館似有徙石之意酒後復

與祥伯伯葵用前韻以堅之

千畦青稻無東屯宰官鶴俸愁空尊檀欒拭翠照几席咿

嚶留客吟朝昏復恐盆池少邱壑浣衣石聘西施邨媛吟

鬼嘯訴遠浦松釵蘿髻辭蓬門縱無奇章富甲乙猶令米

老縈心魂峭嶠得勢礙月戶妥帖有意栽雲根麋丸好助

烟雨態獺髓不補斧鑿痕槐陰臥遊作是想仇池百頃安

足論八林俊侶爭刻燭松明爇火挑粃盆叁名題署仍蕭

字酒香墨韻披圖存

縹雲石詩爲伯葵作用前韻

艮嶽列仗黃麾屯丈人新輔神霄尊銅駝歎息隨劫火玉

馬流涕歿重昏峩舸大扁出幕府白沙翠竹圍江邨黛峯
故應亞鴻案血山不合羅朱門綺羅平章風月事蘭芷前
被騷雅魂落花爲茵綴苔面織羅作帶交松根觀河同皺
笑髻影彈琴欲暖縈香痕烏衣應作華屋感巾箱猶共喬
木論場來挑燈翻翠墨每至落月傾金盆期君宦成具廉
石雲煙過限斯常存

小疾遣悶

宿疾難_秘漸廢書寂寥猶向枕函舒手慵眼澀終拋却結
戀胸中故有餘

雙藤老屋圖爲孟昭題用郭

廖韻

憶昔客居望衡宇老藤翳翳籠天街草痕欲新趁雪澤花
光已灼驅風霾笑脫烏衣傾越酒狂燒樺燭呼吳娃江湖
相忘脫_{金鎖}山林長放懸銅牌息息席帽分去住咄咄墨
綬添遣差涼簟移陰夢招蜨曲闌溜雨涎縈蝸摩抄聊爾
圖繭紙會合那計跟麻鞵花開花落雨爲主舊雨今雨何
者乖平安孰語晉陽竹偃促復蹋長安槐殘醉重扶向紫
陌舊題一往窺空齋只虞狼籍換雞柵或嗟攀折萎鸞釵
芳蘭惠開視刈草小松子美愁燔柴臭味差池固俗習性
情寄託真吾儕一官讀書對松桂百城聽政森模楷_{音大}
尊五石我無用枯桐半死誰置懷倚井扶老因樹屋高歌

不作枚臯俳

阻淺丹徒用祥伯伯葵渡江韻

江岸霜清江水渾柔腸轉斛在吳門孤舟與雁沙同宿一鉢如僧髮未髡愁水愁風空自計送春送歲幾堪論家人屈指經臙臘此夕顰眉燈穗昏

吳俗謂冬至前一夕爲冬至夜

長至偕陸生獻登曲阿僧寺因乞酒仍前韻

平岡鑿斷井源渾車耳斑斕走白門山作連眉猶補劓松矜長鬣昔鬣髡小兒杜牧今成憶名士劉繇向未論最是寺樓閒倚處酒兵一快掃塵昏

丹徒懷古次前韻

七字吟成笑許渾古歡憑弔問松門風吹水學僧衣瘦霜沐山辭石髻髡鶴髦樓頭成缺望麟碑泉下冀原論隔江鐘鼓遙泐雪意漫空鳥道昏

守牖二日村遊遣悶復疊前韻

笞箬斜日洞河渾僧廬鵲巢爭一門凍鳩對語韓非吃瘡竹橫枝季布髡堊戶束茅僅皮傳占歲傳芭工日論杜野小辛恣疏鑿狡童莫復嗤岑昏

劉編修嗣綰招集萬柳堂

懷鉛充郡賦襍被恩逆旅登眺遠眇勞煙水清夢阻良辰盍朋簪幽棲叩禪戶稚泉滌塵襟修岑擴眉宇庭篠遞清

風林禽喚新雨垂柳縮古情飛花散春緒人物南州徵耆
舊中朝數鵠板翳詞科馬廐荒賓墅稱譽臣朔銜沈冥蜀
莊處榮名非所向弢迹庶無侮

沉雲臺侍講復集同人萬柳堂余以故未赴作詩奉

呈兼柬朱山人

鶴年

都輦聲隱麟城隅勢清曠白雲隔前塵野趣融素尚土潤
水木腴春晚林巒漲啼鳥酒樽邊落花衣袂上纓弁乖末
遊錦鏡遙望松門翠可圖柳塘綠似釀新荷歌未續古
鐘字應訪懷舊游屐殷闢地吟棕暢苔垣蜨粉綴槿籬茶
煙颺風流繼晉代嘉植作屏障

朱山人始募種柳以復舊蹟東晉凡牧司上臺於鍾

山下種松栢數十株見樂史寰宇記昇州下

德清徐球之配袁氏才而天述哀之作情見乎詞歸

安君元照為賦惆悵詞以代徵詩復介倪君稻

孫來乞予詩因題三絕

中郎嬌女家軍婦共拜雙星只五年今日畫眉人不見雪
衣嘯殺綠窗前

簪花玉帶袍猶在檢帙金泥燭未消如此雙清成宿世月
中霜裏總無聊

一枝紅豆那堪折好在潘郎髻亦絲滿院西風吹落葉挑
燈細寫悼亡詩

秋杪真州官舍夜坐有感次韻東孟昭

老樹聯吟倚夕陽
流年瞥眼挽弓強
風塵我欲求禪定
詩卷君能署醉鄉
鶴夢宵沈碧蘿影
漚波秋老白蘋香
宣明面目那堪近
只合蕭齋語對床
齋鹽辛苦賦山居
便畫神樓計亦疎
拙到言辭緣乞食
愁彌天壤是勾書
破瓢回首驚疇昔
斫研伸眉抗古初
好是風流屠赤水
清吟靜對玉蟾蜍

魏文帝東巡臺

方舟下淮瀆
戎路臨江渚
長風捲白旄
羣水耀赤羽
獻觴羅侍臣
揮翰頌英主
呂嘉可繫纓
蹶由當纛鼓
寧知彼有

人夜出千樓
櫓鐵馬百閑
瘖畫角數聲
苦祀龍未駕
龜佛狸空射
虎朔雪戒歸
途春水生極
浦雄心翠華
消伯圖天塹
阻孫郎白娥
媚豹尾從車
豎

迎鑾館

延和閣殂仙
公髑髏山高
鬼火紅迎鑾
鎮觀真王黃
龍戰艦繡兩
襦卅六英雄
半橫死艱難
門戶付弱子
狗脚朕披蒼
鶻衣翟虔家
諱雨爲水壯
哉朱亥州手
擲逆豎頭竿
上金鱗化龍
角楊花三月
飛邗溝老奸
豚犬空刺促
白須假子坐
黃屋白須黃
屋此經過轉
眼復唱檀棗
歌訪元使郝
伯常被留真
州忠勇軍營
故處

公學堂詩稿 卷一
軍府行人老平章召寇深北來蘇武節南向魯連心潮落
魚蠻唱風高馬客吟退飛甘作鷓浩蕩帛書沈

拜真州文丞相祠

破碎山河一鳥投蒼芒宮闕六鼇浮草間涕泣南冠侶壁
後紛紛東府謀揮手自題蘇武像脫身誰刺伍胥舟瓣香
應共厓山沉魂魄那能戀此州

靖南侯黃忠桓公墓

奈何帝已白門嗚半段槍同斷碣題一局神州誰下馬列
營諸將本連雞劉超濺血猶帷幄韋粲游魂失鼓鼙尙有
龍髯攀莫逮鼎湖回首塞雲低

仙人掌絕句

春夢如絲繇羽催搗衣石上羃青苔一鈎阜角林邊月招
手桃根汀蘂來

鈿車一去雨瀟瀟鐵馬瓜州望海潮江上芙蓉好顏色女
兒愁殺抱胡腰

書楊德祖事

楊公四世清德漢祚將終稱脚攀不復
行與范粲臥起車中三十六年者何異
而德祖馳騁伯朝交歡公子與人家國事豈惟爲
祿仕哉其死也固宜老牛舐犢之愛非其本心也

房絲蜀錦致王宮閉戶傷心火運終怪殺小兒強解事却
將伯府玷清風

趙忠毅公鐵如意歌

在吳玉松侍御許
乃吳僧默可所貽

疆場門戶紛鬥蟻夕郎拜疏苦充耳宣與浙與朝局訂維
持正賴數君子堂堂高邑翊名教奔迸濁流貫濟水四害
四凶快一披小銓豕卿歎三褫一尺精鏐劊血銘縞紵慨
恍遺佳士廣平之箸司農笏非假清談要佞指東林首善
鬱相望四明南樂與終始雲霧暫開鳴鶴應羔雁成行家
衙起國手舉棋數著了蕭生牢獄困奸宄見泉無子可奈
何委鬼抵燄遽若此當時二十四罪疏立仗臨軒拱手企
胡不聯袂解額乞鼠輩一擊破膽死惜哉指揮不早定珊
瑚粉碎漫作使雁門月影獨速舞玉麒麟泣塞烟紫唾壺
擊缺復抵几朝堂鑄錯良有以珠囊壞裂神劍飛頑鐵土
花瑀戈擬山僧說法麾天魔端公得之老出髀簪筆雍容
懷古心引杯相看淚光泚

蔣子文廟

刻木元同殞揚波魄更强帝階先漢壽仙骨遜南昌輦挽
黃牛姬旗開白馬郎鍾山符命歇寂寞薦椒漿

用吳猛見
宮亭神語

偕孟昭至廣陵夜坐談詩頗觸往懷率然有作

蹤迹雲龍久不忘折腰搔首髻俱蒼僧終行脚無茅屋婦
已營家輟繡床甘苦頗諳用吾法鬱伊盡豁得卿狂鐙前
最耐思量事夜雨攤書古佛旁

秋陰開霽登穹窿山留宿許道士山房

涼風卷瓜蔓檐溜入耳冗仰屋聽婦愁不遑如桔槔林曦
引圓笠曠望已高隴蒼鼠松頂窺濕雲巖竇擁嶄然碧痕
洗戍削不敢踵颼颼復颼颼撲面嵐氣涌巖根蒸玉液肥
入芝朮種奔泉快一瀉聲斷卷石捧寒知山骨孱峭作吟
肩聳盤空出煙髻獨立若矜寵更憐秋士心振奇相慙慙
飛鳥蹴林北俯視羣山拱諸天忽破顏翠靄衣稜重試窮
箬帽峯躡啞我猶勇

箬帽峯爲山最高處

琅然步虛聲煙霏引鸞嘯沈沈洞天中孤岡延四照夜登
閣延堂欄楯森周徼真官與善神幡飈肅眾妙土皇發瓊
笈一一供詩料綠影淡桂馨星斗屬精耀秋氣入無間百

籟皆苦調鐙光閃青豆客共寒蛩弔清夢不離山白雲如
絮遶山鬼浩呼風涼蟾墮海嶠泉脈貫闡根曲折雪靈竅
流鈴戛澹牙吟魂爲一召思惟恩熱屬顛倒端自笑拓窗
延曙光千丈崩青峭擬踊秋隼尖誅蕩天門叫

晚出山口

沙岸潮痕淺舊磯笮箸幕起銀刀肥白雲映水雁初到黃
葉滿山僧晚歸漁火與星銜極浦蘆花如雪瑟征衣何如
雙將劃江去三詔亭邊弄夕暉

盧忠烈公麻衣像詩

像見於宜興吳處士所

蟻如象蜂如壺土伯鬚鬚血肉屠天遣魔君壞世界盧公

扛鼎神臂何能扶分四正列六隅十面下網之勦局事有
無債帥如鼠卒如鬼何況柏直乳臭分麟符勦餉練餉一
千六百萬啖賊賊飽創復腴長鉅黑稍建旗鼓惜哉盧公
分勢孤襄洛未靖邊事急銀刀疾卷帳下都共杯奮起角
鳴鳴凱當大敵親援袍燕南趙北旄頭掃神兵儻忽如拉
枯阜雕無復白鳥驅阿衡醉魄懸頭顱痛心勤王起聖室
酸淚被面冰凝須佞臣不決尙方劔羸卒畢命由中樞手
橫白削多飲止酒沙蟲猿鶴生死與爾俱十盪十決圍
益合愁雲忽破血貫朱三升棗盡飢腸紆半段槍搏瞋目
呼鐵象悲嘶臣力竭甲裳碎落包麻繻死年正同岳鵬舉

老兵雪泣貂鼠兪猶幸不入風波獄是何筌狗猜庸奴想
當巷哭爭欲鑄金祀何人寫出負版颯灑長身癯貌瘁神
傷忠孝志氣薄霄漢湛清臚我昔策馬賈莊訪戰地太息
青燐白草驚沙折鏃血饑飭復來長橋竹屋拜遺像白波
青嶂公欲於此尋釣徒可惜五明驥從公亦甚瘖但飲長
城窟不飯桃谿芻死疆場死西市三錢賞格只恨不伏辜
孝侯周督師盧功名雖異忠無殊於乎銅官嶽峩有此兩
丈六

真州守苗公再成祠

赤制彈丸保黃圖棄甲多降箋騰破竹哀詔奮提戈周訪

雙甄列韓穿七覆羅偵濠煙迨穴斫寒血流鞞鉛淚窮天
水緇衣送木波拂廬傳站狗權火應更鼉扇雀拋楊妹鈿
蟬六孟婆截江宣義從奪駕欲誰何組練明樓櫓艤屬
鶴鵝土豚先作過泥馬竟難馱逐客鍾儀免單船庾亮過
慨慷鳩戴鹿痛哭訴銅駝幾奉劉琨誓偏遭審配訶下符
催刺促閉壘歎蹉跎麥已陳焦爨不如錐缺磨別誠知必
死南八笑無它滿目蕪城賦傷心隴上歌載車聊刻木投
檄漫求河孟錦先戰死肉薄推羊腹撞綠瞰誰窠外門衝
大楫間道仆孱騾握節歐刀伏揚濤蜺羽摩一軍魂化鶴
萬戶飯爲螺劫劫終殘局軒軒厲鴛痾虛堂尋敗鏃故塹

嫋新荷石室零丹粉圭碑繡碧莎阜雕盤佛髻白雁啄魚
蓑蠻觸添冤鬼滄桑玩影娥冬青黯消骨垢髮涕滂沱

寄懷隼子筠同年時以教習留京師

結夏哦松甘老舒謂舒鐵真燕山風雪渺愁予虛名已作羊公
鶴萬事真同韓子魚四姓小侯新箸錄五行章句舊傳書
可知宦學期遊子但寄寒衣輟倚閭

仲冬初旬孟昭邀遊資福寺遂出郭過秋水庵

無山貪適野有寺愛離城白小跳疎網黃團倒舊棚居人
依竹色歸鳥挾江聲坐聽瓶笙籟寥天淡遠情

寒夜與同人爲醪

幼學堂詩稿 卷十
天寒宜貰酒夜永欲添更作客求歡笑評詩貴老成起看
星影轉坐待燭花生努力非疇昔年華已暗驚

次孟昭冬至日泊船京口韻

一箸松明火未灰半弦月落子潮迴地皮潤喜雪爲乳水
腹堅愁水作胎令節更番真自老中年陶寫不宜哀詩成
卻欲推蓬望沙畔雁奴時一來

王編修一齋吳至酒後劇談仍次前韻

酒鐺已冷一炊灰約略蘭根產氣迴古木遠皴雅作墨寒
雲密裏雪爲胎人多碌碌承三旨我欲茫茫賦八哀覓舉
求官差易了桂陽谷儉不空來

喜周孝廉

儀暉

過真州存余仍用前韻送周往壽春

訪李大令兆洛并寄

寂寂冬心抱死灰故人溫語藉春迴雪欺詩瘦扶驢背月
定波寒孕蛙胎祖述壘邊雞莫舞劉安山上鶴猶哀遊知
短李黃紬被鈴下傳呼狂客來

歲莫阻雪頗有時晴之望用孟昭韻

雲宜放空碧窗已厭餘明屐齒猶黏未冰花太瘦生樵蘇
愁上市炊餅喜沿城最憶姜潭渡家人聽櫓聲

雪後自真州至北岸以行李未至枯坐旅店次孟昭

僧字韻

幼學堂詩稿 卷一
投寮一盞愧行僧風折檐冰透紙稜江岸月寒凝積雪寺
樓鐘動閃殘燈春如失旦雞無信客比歸槽馬未能料得
尋梅泥尚滑判攜雙屐蹋三興

丹陽道中雪次孟昭晴字韻

歸途又作氍毹雪纔放林梢兩日晴接水凍雲蓬背重迎
風鷺鳥塔邊明飯香鼻證聞思地詩律心參廷尉平却憶
竹弓彈粉手坐看玉戲滿江城

京口綠江進丹徒聞中流望焦山

林蠻媚殘雪滄江故浩然挂帆趁風利淮門日正懸千里
間遠樹一氣圍蒼煙孤嶼兀深翠潑墨涵長天緇衣映松

古修羽濯雲鮮魚龍夜中舞梵唄空際傳湯湯逐逝水眇
眇隔棲禪茲山有賢達亦復千百年

除夕雨

堂前母老欣承剝鐙下兒長看及肩尊酒已空欹枕臥風
風雨雨入新年

清明日風雨渡江入三义河口占柬孟昭

抽分關口索錢譁

瓜州抽分雖小船必報稅銀四錢往來深受此苦

敗舶灣頭插

柳斜

有百十糧艘已破壞悉聚河口

心碎孤篷三日雨眼明寒食一叢花

衝寒蹋雪前歸客夢水愁風又去家可惜北山泥滑滑驕
民籠袖試團茶

題許茂才畫梅

新年風雨真無藉未向銅院折一枝三月繁花媚晴昊畫梅補作看梅詩

冰甌雪盃滌千回正要酸寒見此材奉敕也應添故事宮梅不寫寫邨梅

立夏日偕王明經壩遊余員外山莊歷寶坊寺時孟

昭方以病乞身不與拈山谷坐窗不邀令人瘦分

韻得坐字不字仍邀孟昭同作

一雨春絲蘋衆綠意帖妥新賞羣鶯招離忌亂雲裏近水喧趁人遠山默導我幽草向門開落花先客坐石林峙蒨

蓼鏡淵委澹沱新眺豁簾鈎散行觸塵鎖香泥感舊雨青枝見初果庭莎鋪緞勻磴苔帖鈿鞞返照江皺鱗迴颺煙捎朶境窈萬竹當心寂一亭可尙恨炎歎遲已令魂夢墮曲闌遶逾快重扇望猶頗機聲柳吹縣餅香麥垂顙歸路清楚唄入林結薪火

春雲空色界夏火孝植物粥鼓廊齧齧幡林堂艷艷妙花試手拈疏班遞腹熨林光蜨伶俇巢痕燕仿佛眉異葉舒榮心與煙裊鬱嗒焉證內忘迢爾禦外佛慧池勤宿悟美

疾勇新被負薪愧被裘留犢美解紱得食思安哉李尤安哉銘曰

食彼美珍思戴飛歎夫不蝸迹舊題添蜂衙小榻訖茶鳴此鹿鳴也

詩瘦通筍泣老饕掘振衣袈裟香出門蝙蝠拂利那聞鬼
波少分修士乞茲遊信前塵得句怕呈佛

夜坐懷孟昭明府

雲龍追逐竟如何篇什題襟近較多酒味遲爲清德頌鶯
聲催作去思歌功名此後成蛇足心事從前付羯磨免使
毛生強捧放鹿車早已辦行窩孟昭具乞休之志詢諸太
公則欣然曰吾早決之矣
貧非吾患也欽韓
每歎息以與似人

仲夏偕倪米榘訪孟昭於樂儀書院東城觀河以花

開十丈藕如船分韻得十字

日長何所爲閉置多快悒骨相合酸寒耽詩嗜米汁音寂

作啞鐘心源深莫汲洗盞孰歌缶每頓脣略濕不遯可奈
何薦于憶此邑眼前俊侶多狂呼遂忘揖主客相人偶酒
兵那可戕東城萬苟花紅綠工鏤銀衣瘦翠浪翻鏡塵珠
光滉氣象頓生新粉本吾儕人瓊枝酒籌分香草詩料拾
數橋當第五蒸餅效坼十猶思太華蓮一快碧筩吸斫膾
列長筵池底老魚泣高歌涼風招清談妙香襲恍慨驩駟
道策厲吾猶及倫類孰妍媸面目轉羞澀屈指追歡惊寥
落如荒集况茲却炎歊長松歊圓笠最憐信天翁煙外伴
人立熊侯亦好事洗筒屬篇什抽思初徐徐稍叩啟結習
若使十日留應辦束筍職告歸殘醉扶蓬背雨聲急新夢

化酒痕跳波驚濼濼潛燕城十萬家餘韻倘能挹

岳忠武王官銜姓名銅印歌 武勝定國軍節度使開府儀同三司荆湖南北

襄陽路宣撫使兼營田大使岳諱之印案本傳王以紹興四年授清遠軍節度使湖北路荆襄潭州制置使封武昌縣子五年領鎮寧崇信兩鎮節度使進侯平楊么加檢校少保進封公六年改武勝定國軍兩節七年除宣撫使營田大使九年授開府儀同三司

伏波章司農印金龜顧盼酬國士當年堂印結者誰辱等
墜厠無足齒南薰門前鐵路步留守司中策名始大小二
百餘戰不惜死直批黃龍痛飲爾老墨舞動東松庵熱血
湔被桃溪水耳環墜蜨帕封淚九哥宮中何忍視眨眼長
脚誤蒼生禾絹士師奉一紙肉簡牌忽擊生雕翦頭仙莫

測怪豕精忠報國四字炳天日向時五郎努力老嫗喜可

憐九曲叢祠弔翠微來日東朝道服老淚泚百番御札盡

沒左藏車金蕉繡鞍星散可知矣何來善銅方寸剗陸離

快劍長戟欲喚將軍起六百年中鉛汞洗金甲光開綬曳

紫結髮初階秉義郎最功始領兩節使襄漢再造中興基

屯田議立壯軍壘惟憾三司崇班最後除慨忼力詆求和

恥想其奮草恢復疏紫泥檢押臣飛取進止直透紙背魯

公一筆書盤窠淋漓心肝相奉有如此嗚呼牙牌官銜夸

纍鼎趣刻趣銷易餅不直一錢耳忠孝侯印數有幾磊落

天壤何用藍田璽漢壽亭侯前將軍丈二之組合璧擬莫

公學堂詩集 卷十
令許允相莫令趙堯晚若輩但知全軀保妻子

題金壽門鍾馗雨中張蓋圖

沿門侷子打夜狐髯君坐鎮形睢盱貌出髯君亦不一畫
家草聖供戲娛翠巖三昧金農繼人道鬼趣參不誣鐵圍
山高噴龍噓紙衣窸窣尤易濡蹇驢席帽非昔日如羊蠹
蠹調吾辻飯蓋那同蕭四繖巾角墊矣胡踟躕不知此鬼
喉生火正欲張口承雷隅祗恐黑風猛掣去亂飛秋葉空
號呼吉莫之鞞久踟決蹒跚接武僵泥塗歸來袍袴須澣
濯頰頰重勞小妹乎書生動慕八騶驅此公母乃先擲揄
行路難歌人世苦黃泉舉足仍趨趨金農生活太作劇酸

寒面目充描摹不如畫作威德鬼高車大蓋夾道趨

瓦松二十韻

薄植依令適叢生號昔耶龍鱗摧碎纈駕登結重極細雨
蒙先潤輕烟著已遮銅池栽幾稜去聲寶相插雙了韞雀巢
痕拄瓜牛篆勢拏後天輸晚節初地怯新花峭蒨承鴟尾
參差錯入牙陰虬宵夢冷野馬曉光斜樓角孤峯占檐溝
夾澗訝螢棲枝挂月蜨度蓋含霞牆上蒿應附門前莠漫
嗟稊園終去國草市乍還家齷齪欹金字茸茸砌水窪陳
根窳蒼鼠昨葉耨羣鴉風碾香姜礫霜封素奈髮不知華
屋換猶向部婁夸蛛網絲蘿密苔紋雪霰加縛茅隨做帚

梧鼎變枯槎涼色閒銀漢貞萋上碧莎
藤蕪翻隔斷多恨
畫篔簹

雨後觀荷河干三截句呈桐生太守

金丸塌地餘酸盡翠鈿擊波新漲侵寬放
雲窩樓閣外不
宜晴色只宜陰

荒灣半不插扶蘇對喚亭中水鶉鴣穿波柳
煙煙貼水釣
絲風引入菰蒲

老柳綠酣親暝色金浮屠立夕陽招野花
挽檻欲登座水
鳥掠船先出橋

昭陵六馬圖歌

角聲沸天房星落八尺真龍地上躍奮蹠一嘶萬騎開電
掣羣雄以次削貞觀琢石元祐摹齧剝權尚今豈乍暫看
憲宰噴風沙細思蹴蹋排鋒鏑折墟城外勢破竹雀鼠谷
中風埽蕩一鞭箭雲塵撲面三日息鞍血流臍元甲還同
黑稍公邨山板渚窮寇搏魚鱗札裂貫膚筋死驥哮呀生
虎縛沼水合圍堅險攬負鉏不了快刀斫六駿馳驅遞五
年麟趾裏蹠功照灼狂刃寧中威喜芝虬髯真人氣磅礴
當其汰轉託死生白肉流矢驥首嚼千金駿骨重邱山不
求老就天閑絡天策上將天可汗駐蹕猶勝金甲著十驥
來從骨利幹佳名一一精鏐鑿惜不驂斬六駿間攝幘插

羽騰廣漠降王像列司馬門功臣形肖凌煙閣風髮霧鬣
玉琴隨潛虬氣懾之而攫東渭橋頭旗閃空夜半歸來汗
尻脚馬上得之三百年龍驤封號應慙怍九嶷山崩寶劍
飛苔剝泥埋失磊砢好頭赤與照夜白曹李丹青不可作
案圖索駿亦渺茫把酒高歌呼伯樂按趙嘏遊九嶷記云
六馬皆以片石刻其
半左右列各三攷歐陽詢書贊刻石殷仲容又書刻馬座
今馬身半刻而無座字製亦不類唐人詩此則文德皇后
崩時所立六
馬已亡矣

歐陽文忠生已桐生太守招集桃花庵卽事次觀荷

原韻二首

鳴遂竅抽蚓注研唳銜鴿獵紅芳沁衣漲綠光映榻辦香

先詩派古龕數僧臘多情蒙谷攀遠夢西湖匝卷波荷葉

拘聯臂柘枝躅

見歐公荅通判呂太博詩

憑欄山色晴開閣市聲雜徂

歲五馬睽繼詠六題榻岱斗契前修衣鉢替新納奇數磨

蝸宮高文興世塔惜無知白琴林籟邀拉颯

使君慶懸弧州人齋放鴿絲竹冷貢亭香火親禪榻一邦
得兩賢師生占伏臘摘蔬青甲苒插花紅粉匝衣桁喜母
緣簾鈎巧婦蹋蘊思舊醪清霏藻殊翁雜幽谷企老仙宦
迹傳官榻却笑堂饌厭苦把告身納蝨黠終乾書龍貪只
鎮塔眼前琅琊守莫歎鬢毛颯

桐生太守以盆荷開作重臺詩見示索和輒抽鄙思

奉呈二律

一萼迎初日青猿笑語譁鬢雲含聖果彩筆燦心花對鏡
春風憶如船老境夸講堂槐影寂細展玉雅義
正憶虹橋路花扶四壁紅瓊臺捧長爪珠露湛方瞳光氣
文章外精英草木中自憐蓬藿徑應占宿田翁

蘇唐卿篆書醉翁亭記碑

嘉祐七年立於費縣

雷轟薦福碑龍攫瀧岡表醉翁不到古琅邪宦蹟緊殊筆
畫好永陽小謫三劾春名雖爲翁顏未槁豐樂亭邊野杭
香懷嵩樓上山月皎飲酒歌沈遵彈琴效頁鳥仰企元之
題畫像近嘉徐生注史稿熟除已聞替張奎菱谿花鳥離

緒攬山僧作亭太守記退蒙鄭重青瑤字

舊碑乃陳知明所書退蒙知明

字見邵忱石刻詩

云何翰墨緣兩地苔岑契一緘遠謝蘇唐卿殿

丞儁筆摹槐廳早衙更散叩釵股瓊椎響揚夸東京嘉祐
之末篆石經薑芽騎省與夢英誰爛熳古撥鐙法蟲蝕瘠
竹沙齧汀計公押字黃紙尾蒼顏白髮真老矣庶子泉銘
出少温向來州治詫無比走告蘇與梅乞詩共鑱青厓裏
此碑躑躅差不殊醉翁爲歌李潮乎艸書篆勢各臻妙頡
頡書錄有二蘇謂子美子瞻亦寫元祐年彈章追按琳琅鐫
見馬輝清波雜志惜哉崇寧逞椎鑿鑿別真贋疑後賢乃知古碑
零落下八九瓚城架砲歷劫有不然亦碎耕氓手高文翠

墨照東鄰副本要乞琅邪守

謂桐生太守

題陳少暘盡忠錄

少暘一死千秋竟重使南荒涕淚橫袖裏彈文張德遠偏於物望不人情

高宗謂張浚專把國家金帛名器將作人情

戴天履地真遺恨傷往追來漫降恩終是建炎初政好風波亭上哭冤魂

渡河行屠孟昭招集平山堂送伊墨卿太守

黃河浸欲狎南圻竭民膏血水益肥黃河不識渤海廣餘波灑灑隨漕上治河轉漕兩無策愁絕淮南與江北江淮都會稱維揚洿澤蒿日思冀黃翩然舊守指江路五載謳

思來已暮竹馬兒童識道周扳轅未可送君去公此北行渡黃河不如渡江迎者多一麾蒞期無定所尊酒會合聊高歌白髮青春皆在眼賤子逡遁亦持面賓客風流屬吏賢公不重來公亦戀晴空堂檻碧雲洗潺潺側聽黃花水黃河從天向東流素絲良馬來邗溝

新浴

樓角銜殘暑蕙紅見紫薇碧雲當日暮白露計涼歸進襪滋新浴拈題解舊圍寂寥無一賞蟬腹引清機

冬至蒞四日桐生太守招同劔潭太守仲符觀察集

梅花書院分韻

秀鋌平疇柞鄂橫重隙講堂靜老禪一瓊冷於簞寒香
沁冰甌筆花不可斂誤書思更適周易牀頭點詩城况屹
峙技癢旌杠掩折簡循舊盟國大不恃險輕齋客兵慚毳
飯望外慊自笑癡腹捫乾螢滅微燄又如老貧女厠迹鍾
郝忝久談引卽深生氣煦欲漸辭源標揭藥理窟發斗檢
上章鬼名祛持籍僊格貶俗學共于嗟所操唯此儉寒職
映南榮黃絲快新染紙窗瑟凍蠅槁蔞弄風颭誰巢已施
架歲華傷荏苒食飢徑告歸束苜林外閃料理故紙堆橫
階霧淅淅

臘月九日集梅花書院時頗望雪舉宋端拱二年十

二月初九日瑞雪歌續唱以驗之是夕果雪用歐

陽文忠禁體韻

銅鉦挂枝綻寒萼溫神臚腹慊陽薄要與來歲禾麥豐正
待今朝雪霰作風高旗尾轉蕭梢雲重檐牙望寥廓吟肩
預聳尖叉拈僊爪期搏鉛汞爍翦冰鳳子翅已零試雨龍
公噓先落宵嚴擁被斷荒雞曙冷披衣思舊貉那疑天耳
聰有偵頓幻地肥飢可攫客輓一笑蹋飛鴻市聲百族噤
凍雀當庭晃眼時窺籬出郭聯吟欲拖屨緯耒新謳葑屋
歡把杯閒語玉堂樂孔平仲談苑太宗太平興國七年季
冬大雪賜學士詩有云賜酒一盞玉
堂問遙知贍鬻齋廚溫更助烹茶石鼎淪通靈秀句禱寒

門絕妙妍辭酬廣漠急裝破曉呼控弦煖帳呵寒催握槊
吾儕作鬧亦徒然縞帶銀盃資嗚噓

題桐生太守所藏吳仲圭歲寒三友卷

特健藥供病居士埽愁帚有老頭陀移燈凍月挂窗紙開
卷長風動屋蘿

橘香酒熟鬪詩牌支起爐頭品字柴著個詩翁成四友只
論風味略形骸

玉梅花下交三九對案軍持擁鼻吟枯木寒巖無煖氣粗
枝大葉抱冬心

青士蒼官涪漫叟周妻何肉問潛夫頭銜格是梅花長日

莫天寒影其癯

丹徒道中

舵底涓流赴吻聲筵竿影轉夕陽明曹騰欲睡微嫌煖一
簇桃花正弄晴

京口

江頭隱隱轉輕雷卧聽篷窗急點來約略者番風雨後柳
纔舒眼送戩梅

上巳日桐生太守招集香遠樓同王阮亭水繪園修
禊詩題

畫檐聲斷黃絲薄綠影參差梅未落寢回鴛錦詠花人道

女學堂詩和卷十
是首春寒翠幕一絲雨化芳草煙相逢女伴羅裙湔昏昏
倒盡治龔酒緩緩方知賣困天

梅花主人香案吏曲水題詩修故事茶臼林間墊角招油
囊陌上長鬚致古今雖殊感慨同我亦自顧成老翁寒食
又愁明日雨落花能試幾番風

杜陵休賦麗人行解文字飲聊燻盟兩三舴艋波心出了
無絢盼鷗不驚野夫浩歌繞山腳黃蜚翩翩入水閣搖鞭
背花白鼻騮猶是綠楊舊城郭

不知誰占春光早無主園林雨後草新苔澹沲接裙腰此
是錦鞵蹋青道虹橋風日仍清和洗馬言愁將奈何只有

別腸堪貯酒莫將皺面復觀河

兩山出雲雨峯掩臨平盧瞳搖翠激老仙泊宅繼清風尊

卉正憶浮梅檻扶筇且看廣陵花番休主客輸畫叉僧寮

載酒排頭賞到處題詩澹墨斜

款人祭酒訂後
期遊竹西寺

清谿一曲酬一詩薄雲漏日歸遲遲
俛躍波水花小露

卯穿徑苔衣滋晉人風味聊陶寫
伸眉不復彈疎野朗誦

南華秋水篇大瓢醉酌古梅下

齋曠所好殊酸鹹屠門未必償清饒
指揮一煩批敕手適
口何藉厨孃摻酒綠燈紅簾額啟
兩頭纖纖碧痕洗良辰
歡樂那可期明年正糴太倉米

春同嬌女藏深閨鳴鳩乳燕終催歸今朝柳梢展綠意纔
如嬌女學畫眉客子光陰那可數瞥眼長淮亂飛絮杏花
春雨滿江南卻羨長官挂帆去屠孟昭來廣陵
旋往吳中不與
穀人祭酒邀集竹西寺次東坡石刻詩韻
蠹葉新翽蜨腐木未化蟬山寺破宿雨草花弄輕煙謀野
阮孚癖刊壁梵志顛卑枝蜂藪仰危棟爵族懸香篆定向
佛酒波豪卽僊鄉味饗宦客墨痕尾後賢禿鬢對椽燭瘴
海思乳泉蒼蘚印陳迹涼蟾照孤娟鼓吹路已緬綺羅夢
何翩不逢彌勒杖無盡燈空然

題開平王裔孫常侯

延齡

種菜圖

家兵不及拔戟起國蝨不容請劍擬江流不遂抱石死長
鏡老送奇男子後湖春煖園蔬香熱血消盡黃齋腸青翬
蓋殼蠶室孃匹耦不媿中山王其配卽魏
國公女都督杖痕淚莫
泣此日菜根珍禁鬱滿眼黍離數馬阮文成孫子最豚犬



